

(甲)關於總局之設置及施行

省會為特別預防地共設隔離所二一設大南街舊滿城內設委員一人看護四以城內未現疫症故醫官由總局醫官兼任一設大北關內設委員醫官各一人看護八診察兵四守衛兵四城外陽曲屬大孟岔上小店陽興東黃水向陽六鎮及北境九都各就公共廟宇設置一處係由縣分局派員醫督同村長副辦理隔離所簡章列左

- 第一條 隔離所專為收容患者之家屬同居人並由有疫地來之旅行而設置之
- 第二條 城廂隔離所由總分局擇定相當地點設置村鎮隔離所可擇公共廟宇或空房設置之
- 第三條 城廂隔離所所長由總分局派員或紳董充任村鎮隔離所所長或以村長副充任其所內之員醫夫役酌量事之繁簡規定之
- 第四條 凡隔離人須人各一室不得以同一家族混同居住其偏小村落隔離所內部設置不完備者染疫之家屬或同居人得自行隔離但必須報知檢查隊將其宅內施以清潔及消毒法
- 第五條 無論行旅住戶入隔離所時先以石炭酸水消毒然後沐浴更易新衣(此項新衣由所發給出所時仍應交還)再到寓室其衣被器具亦均施以消毒方法
- 第六條 被隔離人飲食均由所內供給不得自帶或家屬親友遞送其有願自出資購買食物得由所員飭役代購但必經醫生認為清潔無碍方可不得隨便出所自購併不得與同所他室人相交談話
- 第七條 隔離日期原則以七日為限但有一例外

(甲)被隔離人如係疫斃家屬疫室已經封閉再無淨屋令其自行擇租在此項房屋未租定以前仍須在所留住但行旅及與患者同居之人不在此限

(乙)在隔離期內發現疫病則其原同居人仍當自此病人發現之日起重行隔離再滿七日方准出所

第八條 所內醫士每日須將被隔離者逐加診斷二次注意健康狀態若發現疫病或疑似病者立時分別送疑似病院疫病院併將其住室嚴行消毒

第九條 無論何色人等入隔離所後須聽所員及醫士管理不得與同隔離人見面

第十條 所內看護夫役由所員隨時督責對於被隔離人須勤勞和平不得迨惰凌辱但不遵規則或

抗拒者看護夫役服務者得加以相當之強制

第十一條 本簡章如有未盡事宜得隨時酌量情形修改之

附上關隔離所隔離日期表

說明	日期							某月	某月	附記
	入所日	第二日	第三日	第四日	第五日	第六日	第七日			

(乙)關於縣分局設置及施行

(一)右玉縣

隔離所二一設殺虎堡外娘娘廟內設消毒室一男隔離室五女隔離室二看護廚房廁所衛兵室各一一設威遠堡內設消毒室衛兵室看護室各一男隔離室四女隔離室一廚房廁所各一二所管理人由各堡縣佐兼任各設中醫一員西醫一員夫役衛兵各二

(二)左雲縣

隔離所二一附設南關第一檢疫所管理員由檢疫所長兼任內設醫士一員看護衛兵各四附養病室一另置看護夫役二一附設吳家窰第四檢疫所內部組織與南關同

(三)山陰縣

新岱岳王家洞東辛窰東雙山賀家窰下安營南周莊高山疇東小河東李莊岱岳鎮共設隔離所十一處各設所員二人看護四所長委村長副擔任

(四)朔縣

隔離所二一設下窰口檢疫所附近內設留養室五間隔離室五間消毒室一間看護室二間看護四名管理員由檢疫員醫兼任一設東關三官廟內設消毒室一隔離室三看護室一人員組織由南關分局兼辦

(五)平魯縣

隔離所六一設東關外先農壇四設南關民房以上五所均由分局派員兼管一設井坪鎮龍王廟內設所

長一人

(六)大同縣

擇租南關客棧設置隔離所兩處一隔離患者一隔離病人家屬沙梁村四十里舖上莊村陽和坡宏賜堡得勝堡均就寺廟設置各設所長一人看護二衛生警兵四

附大同隔離所簡章

第一條 本所租賃南關東華棧爲所址

第二條 本所設醫士一員指揮所內一切事務

第三條 本所設所員一辦理各項雜務

第四條 所內設所丁聽醫員指揮承辦一切

第五條 所內設看護四人由員醫指揮專服看護事務

第六條 凡城關查出有病人發生一律入所診斷

第七條 隔離人需用飲食藥品均由所內置備

第八條 經隔離期滿者給證放行

(七)應縣

隔離所一設東關藥王廟內設所長一人一設西關民房內設所長所員各一人其四鄉疫區康峪設聖帝廟北家窰設關帝廟帖黃窰設聖女廟康辛莊設玄帝廟曹娘村設關帝廟西朱莊租賃民房設置以上六

所均遴委村長副管理

(八)陽高縣

隔離所設西關三義廟內設重病室三間疑似病室三間所員醫士各一人看護守衛警二

(九)天鎮縣

隔離所三一設東關客店一設新平堡北門三義店一設樂玉堡各委紳士辦理

(一〇)渾源縣

隔離所三一設城外東壇內設所長委警佐兼任看護警三夫役一小辛莊金龍口各就公廟設置一處所長均由檢疫所長兼任看護警各二夫役各一

(一一)懷仁縣

隔離所六一設東關白衣寺內設管理一人看護巡警各二一設城內龍王廟內設管理一人巡警看護各二四鄉疫區如下海子草地村興旺莊乾溝村均就公廟設置委由村長副辦理

(一二)廣靈縣

隔離所四一設城外水神堂由分局派員兼管四鄉洗馬莊設龍王廟橋兒湖設山神廟均檢疫所員紳管理井窰村設置村外二里許普救寺內設看護役四名由分局委員與村長副管理

(一三)靈邱縣

隔離所三一設城內城隍廟內設所長一人巡警二名王家村分設兩處一在馬王廟一在龍王廟另設病

人隔離所一處均由分局委員同村長副辦理

(一四)偏關縣

隔離所六一南關外關帝廟一西門外守衛室一附設城區檢疫所各派防疫警二名由警佐兼管三所事務沿邊紅門老牛滑石三口均附設檢疫所由檢疫員代管各設看護衛兵各二

(一五)神池縣

隔離所六一設南關關帝廟由陸軍醫官管理內設所員一夫役一一設溝兒湖村內設看護一所長由檢疫所長兼充義井八角利民三鎮各就公廟設置委村長副辦理

(一六)寧武縣

隔離所二一設東關八蜡廟內設所長一員巡兵四所役二一設陽方口內設所長由檢疫所長兼任看護四夫役二

(一七)五寨縣

隔離所四一設城外北峯台內設看護二名所內事務由分局派員兼管五佛寺村分置三處每所設看護二名所內事務委由村長副督辦

(一八)河曲縣

隔離所十三一設侯家口內設所長一人看護二一沙泉西溝村夏營堡董家莊郝家溝各設一處榆樹灣分設三處樓子營分設四處各設看護役二委村長副管理所內事務

(一九) 岢嵐縣

隔離所七一設東關由分局派員管理康家會三井鎮水峪貫鷄兒塢鷄房村張家村均附設檢疫所由檢疫員兼理各設看護二名

(二〇) 代縣

隔離所八一設北關七佛菴一設西關極樂寺一設東關二虎寺各設經理員一人看護二陽明堡廣武鎮峽口中解村聶營鎮各設一處由檢疫員兼管

(二一) 崞縣

擇南關客店分設隔離所二處由分局派員經理各設火夫一看護巡警各二

(二二) 忻縣

設北關十方廟由分局派員兼管各鎮就公廟設置孫村北曹張北義井令歸解村魏家莊大有張亦各設公廟均由村長副辦理馮村就陳姓場院關帝廟分設兩處由分局委巡官辦理

(二三) 定襄縣

隔離所設南關黃堂廟內設管理員一看護二

(二四) 五台縣

隔離所五一設北門外后土廟內設所長醫士各一看護衛生警各二一設台懷鎮國民學校一設東冶鎮女學校一設豆村鎮關帝廟一設耿莊鎮觀音菴各設所長一人看護役二

(二五) 繁峙縣

東關龍王廟關帝廟分設隔離所二處各委監視員二看護役二一設小石口委縣佐同紳士辦理

(二六) 武鄉縣

五峪村南峪村分水嶺各設隔離所一處委村長副同檢疫員醫辦理

(二七) 沁縣

隔離所附設走馬嶺檢疫所內設看護二名由檢疫員醫兼管所內事務

(二八) 祁縣

隔離所二二設東觀鎮關帝廟一設子洪口西巖寺各設男女消毒室各一間看護二名

第七章

屍體措置法

措置屍體不外土葬火葬二法三晉向崇土葬封之樹之積久彌增崗原起伏間之纍纍觸目者墳塚即爲第一附麗物據現在社會普通調查每田百畝墓地約佔十分之二妨碍農業生產殊非淺鮮又曩者習俗相沿有淹柩在堂遲至數年或十數年始殯者其意以爲不如是不克伸哀思於萬一不知死欲速朽聖訓昭然禮定葬期自有深意愚民不察遂致習非成是可勝浩歎所幸邇年來民智漸開停喪不葬之風已漸祛除防疫事起各疫區關於措置屍體尙屬完善一有死亡立即報由掩埋隊迅速深埋從未演出抗拒風潮此即人民深信停屍非是而停積疫屍尤爲危險之明證惟疫區二十八縣祇寧武火葬較多偏關河曲偶一爲之蓋火

葬疫屍爲滅菌良法特以人民素少經見之故未便強制執行非僅恐傷慈孝實難保不啟人民匿疫不報之風故當局始終未頒火葬明令只諄諄以掘坑深埋爲告誡也爰錄此次關於措置屍體之一切手續方法以示未來土葬火葬一併列之

第一節

掩埋概要

此次疫氛發現之初正地氣下降凍堅至圻時期以關南北之氣候嚴寒地脈又土石相屬掘坑困難自意中事特以疫氛猝發棺木一項需過於供繼以大價購得率皆質料脆薄工作粗疎倘不速行掩埋則積棺釀疫流毒胡底故訂定掩埋地簡章掩埋隊服務規則(俱詳第三編)暨本章所列各方法通飭疫區招募掩埋隊遵照辦理在各項規則未頒以前由死親或村人自行掩埋嗣經防疫員醫履勘探測認爲掘坑過淺掩埋不合法者一律重行掩埋而大同鎮守使張樹幟併於疫氛肅清春融土解之時電請通飭各屬於屍塚加蓋石灰以防疫菌飛洒當奉令准照辦於是屍體之措置始臻萬全疫菌雖毒無能爲矣掩埋概要錄左

- (一)有疫地方不論城鄉均預於距離人烟僻遠所在擇定公共掩埋地一處豎以標木
- (二)於公共掩埋地另圈一空間多儲生石灰以備臨時使用
- (三)各掩埋地均須先行相度地勢方向掘十個至二十個以上之深坑分左右兩列每十個爲一排遇有屍棺隨到隨埋
- (四)每坑深度八尺寬度四尺隧道長度七尺不得稍有淺狹

(五)凡屍柩運至掩埋地時須用噴霧器吸石炭酸水或昇汞水遍洒於棺之外圍再行下葬

(六)屍棺入葬後棺頂必傾以石灰然後擁土掩埋墓頂亦以石灰乳覆之并標木牌於墓前將疫死者之

姓名籍貫里居詳細書明

(七)於掩埋告終即將死者姓名籍貫隨時分登於掩埋表冊一存所在公地一存縣局備查

(八)已掩埋之屍棺無論有無家屬非經過三年不得私行起葬違者處罰

(九)凡屬疫死之棺須在指定之公共掩埋地掩埋之其自有墓地者亦須遵照掩埋法之規定由掩埋隊依法深埋如查有私行埋葬或經人告發除將屍棺另行掩埋外戶主與村長副均議罰

(一〇)掩埋隊執行掩埋畢應就於掩埋場所外立時將護口衣具及鈎叉等器械施行規定之消毒法

(二)發現路斃屍體時應立即施行屍身消毒依法入殮其屍身臥處於施行焚燒消毒法後遍洒石灰乳併標木牌禁止行人通過

(三)於掩埋地特懸大字木牌標明禁止行人通行等字

第二節

掩埋教練

各屬掩埋隊俱臨時招募不教而用扞格實多因飭各屬防疫分局於此項隊兵募齊時由省派之防疫員醫以入殮運屍以至掩埋各手續教練諳熟始令服務計所教練概分三項

(甲)關於掩埋屍體應注意之事項

- (一) 屍體入殮時須經醫官監視督飭隊兵施行屍體消毒法
 - (二) 於未入殮以前先以石炭酸水或昇汞水用噴霧器遍洒屍體及棺內然後鋪生石灰粉於棺底再行入殮
 - (三) 入殮後再以生石灰粉散佈屍體嚴加封蓋
 - (四) 死人衣服寢具等物應即施行焚燬消毒法或監視其家屬用煮沸消毒法
 - (五) 執行入殮及擡棺時各隊兵一律穿用護口衣具以消毒水預洒之
 - (六) 移屍時所用之鐵鈎鐵叉均先施以石炭酸水然後以平均之力置屍於棺內
 - (七) 運送屍棺用車載拖牀扛擡均可但須將運棺車牀繩扛等物先遍洒以石炭酸水或昇汞水其套車之騾馬亦用曾經消毒水洒散之布覆其上
- (乙) 關於掩埋屍體必需之器械
- (一) 大車或拖牀或繩扛
 - (二) 噴霧器 附帶噴毒藥水
 - (三) 鐵鈎 以白布遍纏其上端
 - (四) 鐵叉 同
 - (五) 鐵鍬

第三節

掩埋隊之組織

(一) 省內之組織 防疫事起省城雖屬預防區域而掩埋之措置亦不敢缺而不備因於編訂掩埋服務規則通飭疫區遵辦後即於省內組織掩埋隊四十人附於救急隊即以救急隊長兼任隊長職由教導員逐日教練之

(二) 省外之組織 各有疫縣區各就疫區範圍大小酌量組織或就原有警察抽撥或臨時添募人類辦法極不一致茲將各地方掩埋隊之組織附表於後

省內外掩埋隊組織數目表

區別	數目	隊	數	隊	長	隊	員	備	考
省城	—	—	—	—	—	—	二〇		
右玉縣	—	—	—	—	—	—	一二	遇不敷分佈消毒隊兼辦	
左雲縣	二	—	—	—	—	—	二四		
山陰縣	—	—	—	—	—	—	一一		
朔縣	—	—	—	—	—	—	二〇		
平魯縣	—	—	—	—	—	—	一〇		

大同縣	天鎮縣	陽高縣	應縣	懷仁縣	渾源縣	廣靈縣	靈邱縣	偏關縣	河曲縣	神池縣	寧武縣	五寨縣
一			一	一	一	一	一		三	二	一	
一									三	二	一	
三〇			八	一〇	一〇	四	二〇		四二	四〇	四	
	消毒隊兼辦	陽高祇疫死一人未組織						由衛生隊兼辦				由防疫隊兼辦

崞嵐縣	代縣	崞縣	忻縣	定襄縣	五台縣	繁峙縣	武鄉縣	沁縣	祁縣	合計
一	一	一	一	一	一	一	一		一	二七
一	一	一	一	一	一	一	一		一	二七
四	一〇	三〇		六	二〇	一〇	八		四	三五七
			由防疫隊兼辦					沁縣祇疫死病客一人未另設		員隊共計數
										三八四

第四節

火葬法

佛法慈悲本崇火葬東西洋墓地火葬場之制始其遺義我國衛生行政尙未完備火葬之法惟蒙藏各地施行無阻內省訖未仿行前此東三省之役江省因氣候苦寒每值隆冬春錫難施素有火葬之風故爾時措置屍體率用火葬誠善舉也此次防疫事起在當局非不知火葬為滅疫要訣特以同一良民誰無親屬既經罹疫慘斃又復付之一炬習俗所難安輿論即不無謠譏倘盡毅然以行之竊恐人民相率驚駭及於其他防疫行政發生重大阻力權衡其間不得不從習俗以順輿情只求能依法深埋不至使屍體疫菌再有飛洒之危險即得矣殊不欲強違數千年之積習以狗疫也至寧武偏關二縣措置疫屍創用火葬輿情既無窒礙當局自樂與允准惟其執行手續因事無先師未臻盡善盡美然比之東三省當日之暫行方法實已無大差謬探錄於左以備參考

- (一) 預於疫村外僻地挖一深坑并儲置最乾木柴於左近以備燃燒
- (二) 執行火葬時屍棺與木柴相間從四周注射煤油以助火性
- (三) 燃燒後之骨灰收置一處於掩埋地深埋之併誌以木標
- (四) 火葬場執行員隊穿用之護口衣具均預洒消毒藥水
- (五) 火葬事宜即由掩埋隊執行之

附 寧武偏關火葬一覽表

寧武縣火葬日期表

姓名	籍貫	年齡	住居地	疫死日期	火葬日期	備考
秦秦氏	本縣	六十二歲	三百戶村	二月十號	二月十二號	
張環子	本縣	二十五歲	張家崖	二月十一號	二月十四號	
張郭氏	本縣	六十歲	張家崖	二月十四號	二月十四號	
張三老仲	本縣	六十二歲	張家崖	二月十三號	二月十四號	
張四老仲	本縣	五十五歲	張家崖	二月十六號	二月十七號	
武小子	本縣	三十歲	坡門口	二月十號	二月十五號	
武三	本縣	六十歲	坡門口	二月十三號	二月十五號	
武胡氏	本縣	五十五歲	坡門口	二月十四號	二月十五號	
武常氏	本縣	二十一歲	坡門口	二月十四號	二月十五號	
武存柱	本縣	二歲	坡門口	二月十四號	二月十五號	
孫三拴	本縣	四十三歲	趙家溝	三月九號	三月十三號	
孫殷氏	本縣	四十一歲	趙家溝	三月十號	三月十三號	

孫來寬	本縣	一十八歲	趙家溝	三月九號	三月十三號	
孫潤五	本縣	一十六歲	趙家溝	三月九號	三月十三號	
孫四滿	本縣	一十四歲	趙家溝	三月九號	三月十三號	
孫五滿	本縣	一十歲	趙家溝	三月十號	三月十三號	
孫六滿	本縣	六歲	趙家溝	三月十號	三月十三號	

偏關縣火葬日期表

姓名	籍貫	年齡	住居地	疫死日期	火葬日期	備考
杜高氏	本縣	三十六歲	西門街	二月十二號	二月十三號	
杜二子	本縣	一十一歲	西門街	二月十三號	二月十三號	
萬大年	本縣	一十五歲	寬街	二月十五號	二月十五號	
代四	本縣	四十二歲	太虎街	二月十八號	二月十八號	

第五節

措置屍體之報告

- (一)責成於執行人員者 於執行掩埋或火葬後應將施行事項分別登記表冊報告分局
- (二)責成於村長副者 當施行掩埋或火葬區域必通知距離最近之村長副臨場監視并由村長副備同一之表冊存於該村公社以防事過境遷私行起葬之弊

第八章

不潔營業之措置

取締不潔營業亦防疫行政重要措置之一端蓋繁盛地方則屠獸場洗衣局舊貨商澡塘理髮所等營業日形叢雜偏塞區域則宰房糞廠硝皮房平民小店粉房毡毯舖等營業味於衛生胥足播衍疫菌他若劇場妓寮客棧菜場質當舖飯舖及小食肆等營業及一切人衆聚集易沾污濁之地非取嚴格限制主義無以預防公衆不虞危險此防疫期內不得不慎重於不潔營業之措置也惟各項營業有本蒙不潔與易近不潔或常有不潔情弊之區別性質不同地方情形亦異措置手續自須參酌情狀因事制宜務以滅殺疫菌媒介不礙其他防疫行政爲旨歸正不必膠柱鼓瑟致有削足適履之弊也分誌防疫期間關於不潔營業之措置如左

第一節

關於本蒙不潔之營業之措置

按糞廠屠獸場等營業爲本蒙不潔之甚者蘊釀微菌亦最易故於防疫期內不得有嚴重之措置焉

第一項 糞廠之措置規則

(1)限期清運 一無論城廂村鎮所有糞坑糞堆統限營業主於二日內一律清運野外僻地（住戶商舖及公私機關之廁所仿此辦理）一糞坑廁所不能依限清運或營業主所有人他往無人清運者准由他人視爲無主物清運於自己地內

(2)清潔消毒 一清運糞穢後之地址或運除未盡之遺糞責成營業主或所有人先用黃土墊蓋再掩以較厚之石灰 一清潔消毒之是否合法由該管巡警或村長副隨時檢查指導之

(3)違章處罰 違背以上取締規則或不服檢查指導者準違警罰法處罰之

第二項 屠獸場及宰房之措置規則

(1)注意清潔 一無論公共屠獸場私人宰房其執業時之地段及用器均宜隨時掃除洗濯力求清潔一肉床肉架一律用白布遮蓋

(2)病獸檢查 一凡有病或已經病斃之牲畜一律不准宰賣 一遇有病獸或於宰殺後發現肉及臟腑有病狀時須立時移出野地深埋之

(3)腐肉檢查 售賣肉類以檢查人員加蓋戳印者爲證其有陳宿腐肉或未經蓋印者由檢查人員於發覺後分別掩埋罰辦之

(4)停止營業 一各該場房如有不遵此項規則者得停止其營業 一有疫地或隣疫地該管長官或公共團體認爲必要時得禁止屠宰

(5)違章處罰 準違警罰法辦理

第三項 硝皮場之措置規則

(1)停止營業 硝皮作房於一定期內停止營業

(2)清潔消毒 一有未入缸甕之皮鞣須用石灰粉或石鹼水撒洒消毒度藏空屋封閉之 一缸甕內之皮鞣及硝水限期分別曝晒或嚴固襪封及傾棄野外僻地

第二節

關於易近不潔之營業之措置

按所營之業本非不潔特因易接觸不潔之人或不潔之物防微杜漸亦自不能不有適法之措置別之有九

第一項 澡塘之措置規則

(1)清潔消毒 一池塘日換清水二次 一池塘於未注新水之先池底及四周須用生石灰水少滲石炭酸水詳細刷洗一次 一盆塘於每客浴罷瀉水後盆底及四周亦用石灰水滲石炭酸水洗伐之 一巾布於每客用後即用衛生肥皂或樟腦石鹼澀濯一次 一椅橙床桌各物及室隅隙地勤用石炭酸水洒布之 一室內空氣隨時開換之

(2)注意浴客 一凡外狀帶有病容或衣服沾膿穢血漬者一律嚴阻入浴因而致起爭執時報告警署處理

一於來客解衣後或洗浴中發見有病或猝倒暈閉時立時報告警署或防疫局所聽候檢驗

(3)排泄污水 無論池塘盆塘用過之污水須按一定時間排泄於一定之遠僻坑內

(4)違章處罰 各澡塘每日由所管警署派員檢查無定次如查覺有違反規則時準警罰法處罰之

第二項 理髮所之措置規則

- (1) 用水清潔 理髮用水必須清潔不得以用過之水傾入溫罐再行使用
- (2) 室內清潔 一室內四周及椅橙上下宜時加掃除併以石灰酸或石灰粉布洒之 一時開窗戶流通空氣 一每日務引日光於室內注射一二時
- (3) 用器消毒 一刀剪刷子臉盆等物每用一次須先用石炭酸水或酒精浸擦然後用清水洗淨再行使用 一巾布等物及理髮匠手須時用衛生皂洗濯
- (4) 排泄污水 理髮用過之污水須於一定時間裝置桶內傾瀉於遠地
- (5) 違章處罰 各理髮所每日由警署派員檢查如有違背規則時準違警罰法處罰之

第三項 洗衣局之措置規則

- (1) 注意病衣 凡衣服被單等類沾有膿穢血漬或疑似曾經病人服用者禁止洗濯
- (2) 煮沸曝晒 所洗絲布衣物須煮沸至二十分鐘然後提出搓洗洗淨後須在日光下曝晒至十分乾燥始准折疊
- (3) 排泄污水 洗衣用過之污水須排泄於一定之遠僻坑內
- (4) 違章處罰 洗衣局違背此項規則時輕者準違警罰法議罰重者勒令停業

第四項 質當局及舊貨商之措置規則

- (1) 質當限制 凡疑似曾經病人服用及油膩骯髒衣服一律禁止質當因而致起爭執時報由警署處理之

- (2) 舊衣禁售 無論在街衢設肆之估衣攤及成莊估衣舖一律禁售舊衣
- (3) 小商檢查 無論叫換舊衣之挑擔及沿街販賣舊貨之地攤隨時由巡警注意檢查
- (4) 轉運取締 凡舊衣舊棉花朽爛麻繩及一切不潔布縷等物如從有疫地運來者須儲存幽僻處所施行適當之消毒法後始准入城或轉運他處
- (5) 違章處罰 以上各項商違反此項規則時嚴重處罰

第五項 大小客棧之措置規則

- (1) 清潔消毒 一大小客棧均責令遵照頒行之清潔消毒簡章依法辦理廚房廁所尤須特別注意 一不得以隔宿陳腐物品供客飲食 一住客行李除於入棧時施行相當之消毒法併須每日在日光中曝晒一次
- (2) 客室整潔 一客室牆壁均用石粉重新塗墍 一床底及室隅於每日掃除後須布撒石灰粉或石炭酸 一窗戶須隨時開啟採放新鮮空氣
- (3) 住客限制 一每室兩人為限房間寬闊者至多不得過四人 一外來生客或貌帶病容者得拒絕之
- (4) 報告診檢 一入棧旅客須詳詢其姓名年歲籍貫職業來程去路分別登簿即時報由防疫局所聽候派員診檢在未診檢以前禁止其與他客往來 一寓客中如有發覺病症或猝倒死亡亦應立時報告防疫局所
- (5) 停止營業 一有疫地或隣疫地村鎮之平民小店在防疫期內一律停止營業 一疫病發生之客棧立

時封閉

(6) 違章處罰 無論大小客棧違反此項規則時準違警罰法從重處罰

第六項 毡毛舖之措置規則

- (1) 毡毛消毒 舊存毡毛須施行相當之消毒法後再行作貨
- (2) 運貨取締 在防疫期內不准由外地購買毡毛轉運入境即已經作成之毡毯非施行相當之消毒法後亦不准入境或運往他處
- (3) 停止營業 在疫氣盛行時間經防疫官長認為必要時得以命令停止此項營業

第七項 劇場之措置規則

- (1) 停止營業 在防疫期內省垣及有疫鄰疫各地所有之戲園及趕台戲一律停演
- (2) 清潔消毒 無疫地不禁止演戲但由所管官廳隨時派員檢查併指示清潔消毒諸法
- (3) 優伶賑恤 當停演期內無論男女優伶每人日給大洋一角四分
- (4) 違章處罰 一戲園戲班不遵章停演或違反清潔消毒章程者處以罰金 一有疫鄰疫各村鎮不停止演戲者查覺後從重議罰

第八項 妓寮之措置規則

- (1) 清潔消毒 各等妓寮宜依法實行清潔消毒凡有不潔衣物均責令娼戶詳細搜檢一併焚燬併於各室內外撒布石灰粉或石炭酸水

- (2) 停止營業 各等妓女於防疫期內一律停止營業併免繳妓捐
- (3) 健康診檢 各等妓女在防疫期內應由防疫醫士隨時診檢
- (4) 違章處罰 娼戶或妓女有不遵守此項規則者查覺後分別按章處罰

第九項 車馬廠之措置規則

- (1) 清潔消毒 無論轎車人力車之鋪墊須隨時整理清潔破爛不潔者禁止出賃
- (2) 車夫拍照 各警署所管地段內之車夫除編製號衣外合拍一影分懸警署城門及車廠由警署隨時稽查之其有號衣不符或未經拍照者登時扣押併追究出賃車戶
- (3) 注意乘客 各車夫如遇有面帶病容之人禁止扯載
- (4) 違章處罰 各車夫有違反此項規則者分別情節輕重處罰之

第二節

關於常有不潔情弊之營業之措置

按所營之業未可斷為不潔而常處於不潔場所或常有不潔習慣之情弊者在防疫期內亦自不得有相當措置以防萬一之危險約計此項營業別之有三

第一項 菜場之措置規則

- (1) 注意清潔 售菜地段及盛菜器具須隨時洒掃揩拭務令清潔
- (2) 腐物檢查 無論魚內菜菓色味改變者一律禁止售賣

(3) 違章處罰 如有不遵規則由巡警查覺或經人告發時準違警罰法處罰之

第二項 料理館及飯攤之措置規則

- (1) 清潔消毒 一房屋內外須遵照頒行之清潔消毒簡章勤加掃除併以石炭酸水噴洒之 一棹椅鋪墊勤加整潔 一飲食器皿須於用後以百度熱巾浸洗之
- (2) 食品檢查 一無論生熟食宜分別皮藏於適當處所 一肉類之色惡臭惡者不准供客而食之陳舊者亦禁止售賣

(3) 停止營業 凡肩挑生熟肉食及沿街擺攤之小食肆得酌量情形停止其營業

(4) 違章處罰 於飯館及小食肆發見不潔飲食或不遵守此項規則時酌量處罰之

第三項 粉房之措置規則

(1) 注意清潔 作房及晒粉廠須力求清潔不得隨便傾潑漿水及粉渣

(2) 作房檢查 一作房內之鍋竈爐燻漿壚及一切圈羅案板等器具逐日由警士分別檢查之其有沾染不潔情弊者酌量處罰 一未浸之粟豆已成之澱粉作成之粉條及粉面一併由警士詳細檢查其有粟豆腐爛或澱粉微變或粉條粉面作不適法者得分別停止其作貨及發賣

第四節

關於人衆麀集場所及其他不潔營業之措置

凡城鎮集市賽會等事及說平書耍百戲等場所均爲人衆麀集之地檢查稍有不周恐有潛伏疫菌傳播大

衆之危險故地方長官得酌量情形隨時發布命令禁止之又商人之營業無窮不潔之危險實甚苟有時認爲有碍衛生或有傳導疫菌之嫌疑者均責成防疫人員隨時檢查取締之(各項營業不備列)

第九章

依限撲滅之實力

民國七年二月七日督軍兼省長拍發嚴重電令雁門關南疫區限二十日內完全撲滅及二十七日對關北亦發同一電令竊查第一電拍發時期疫氛正熾第一二防線內幾無干淨土一般官民咸懼於疫菌兇焰徒喚奈何當道獨能以精密計畫推定疫菌之傳播速度發覺日期果能外疫不入則疫氛之滅至遲不逾兩星週以外電限二十日者猶備最後死者於潛伏期間偶有傳染之虞耳以此理由故敢毅然決然以行之而不虞其少有差忒也各區遵奉電令確實進行關南北之肺疫浩劫果得於預定限內次第肅清以前此醫學界微菌學界橋舌不下之限期撲滅四字此次盡能立標候影如願辦到有功世界豈獨晉民之幸哉特是撲滅之速人所共知至其所以能依限撲滅之實力所在則有非盡人所知者表而出之以明真象

(甲)軍民政令之統一

軍民分治理由非不充分惟在特別時期或發生特別事項無論兩大並峙未免相互掣肘即使各趨規範泯除猜忌亦每因往復咨商號令遲滯而承奉命令者因長官不一尤難免各行所是延誤時機之弊故論事務求真際非常之來不能以恒格律之此次防疫之役軍警印委咸聽指揮命令於一長官勢力之下故能尅期蒞事設不幸軍民政令歧而爲二則調遣軍隊能否不持異議堵截邊隘能否不遺疏忽陸軍所至能否與地

方警察不生衝突雖有智者難下的確判斷況以各縣知事負防疫完全責任又委營連軍官擔任各防線內之檢疫事務以素未謀面兩不相轄之文武官員溶冶一爐使之共同動作縱假以時日亦難望和衷共濟勉藏厥事乃又限以時日使之遏滅疫氣不其難甚惟以政令統一之故軍官知事同奉一尊軍官所奉之督軍命令卽知事所奉之省長命令換言之亦復如是令有萬殊旨歸一致故以表面觀之知事軍官各不相謀各事其事所管堵塞行旅與隔離患者其實過絕外疫與搜除內疫正爲相扶相助之事務非有異也職是之故用能共挽厄運依限肅清使於根本上少有扞格則疫氣剽忽難制稍縱卽逝矣浩浩疫劫正不知何時底止也限期云乎哉茲論依限撲滅之實力列政令統一爲第一者意卽在此

(乙) 村制之實行

鄉黨閭里之制廢弛久矣三晉以民風馴良之故村鎮自爲規條公家向取不干涉主義所恃以禁暴戢奸維持秩序之法惟以公理支配一聽耆年大老施行仲裁或糾舉之權能而已(按各縣村鎮糾首社長等名目習慣法係由花戶推舉人數多少至不一致)其緣習舊例最普通之半官人物厥爲鄉地然因有義務無權利之故上中人民咸鄙夷而不屑爲之每於輪差到身(按鄉地係輪年充應)輒僱無業者代替應卯欲其於特別時期以領袖名位指揮村衆誠憂憂乎難矣此次防疫之始完全村制雖尙未頒而村長副由閭村選舉實行已久其人之財產品行俱爲村中不可多得之資格故其言語行事易博村衆信仰遇事亦樂聽其指導防疫措施第一卽清潔預防而挨戶勸告入宅檢查又爲必經手續若以鄉地當之無論人微言輕勸告無靈果其入宅檢查必遭屏逐非特無裨防疫適足發生阻碍又况遮阻交通必禁制村人自由往來設置隔離所

必干涉患者家屬自由居住以疫況隨時報官導引消毒掩埋隊執行職務無在不使人民感受困難非村長副素孚衆望豈易施行無阻不特此也當道以防疫措施寄權於知事知事以防疫措施寄權於村長副惟村長副能遵奉知事命令發展當道計畫一切行政乃能積極進行自始迄終未激生人民無意識之舉動以爲防務梗者村長副之力也限期令下遮阻隔離諸手續益加重以有數之員醫監視許多染疫家戶偶有竄溢又爲七日遺患欲於二十日內疫氛驕然止息庸非難事而村長副則措施裕如困難悉泯蓋其於村之路徑民之情僞疫家疫巷之族戚往來社會交際舉凡官耳目未周未知之點村長副無不熟悉胸中故能補助員醫爲防務上執行或監視之行爲關內外各縣疫氛得於預定限內一律肅清未遺當道有志未逮之憾者此實重大一因徵之定襄五台防疫始終得力所在自可知此次依限撲滅實力不能不屈一指於村制實行也

(丙) 疫室隔離之發明

就疫室施行隔離爲當道此次防疫最有力之主張實防疫史上之新發明蓋防疫訣要不外隔離二字遮阻交通卽區段之隔離隔離接觸患者乃部分之遮阻交通一而二而一非有異也惟肺疫之說人民前所未經不幸偶被波及延醫乏術藥餌失效在患者方惑於天譴難逃之誣說在家屬則中於死與俱死之觀念縱死不旋踵亦不暇計及危險是雖由於智識缺乏要亦社會舊道德當局明知肺疫有防無治不得不犧牲少數達保全多數目的一人染疫盡舉曾經接觸者置之公共隔離所內以杜傳染手續豈不甚善然按之數千年來入人至深之道德風俗究有萬分困難疇無父母疇無妻子存亡未卜遽賦生離非獨身受者易生誤會

即大多數旁觀愚民且將飛短流長謠諑無已長匿疫不報之風釀抗官意外之變隔離既生障礙防疫即梗進行欲堅人民有防無治之信仰收剋期撲滅之效不綦難哉當道發明疫室隔離之法父母病仍得子侍夫病仍得婦養不違隔離宗旨不背家族主義但能依法罩護口鼻即無傳染危險縱罹疫者慘遭死亡而服侍者亦得少申哀思且目覩死者慘狀釋懷疑之念生自衛之心其初匿疫不報及親族潛踪探視等事以功令禁止而民不知懼者至此轉相勸戒咸曉然於官廳之嚴厲措施胥爲愛民實政染疫者自知不免不忍令家人輕與接近再蹈死機家屬亦知疫傳之烈不敢不嚴密罩護口鼻自取斬宗絕祀之禍以重傷死者之心聞之偏關有疫死者於得病之初自知爲曾經接近某患者之故遂以懇摯言辭與家人決別自入土窆待斃其妻子依命於遞送飲食咸用酒浸巾布掩護口鼻待畢即退不與交言卒未受染該處防疫員醫津津道之懷應等縣初時相互傳染幾成不可收拾之勢後亦依限肅清抑若無情疫癘有不敢不就規範之知覺者實疫室隔離之力也茲就便利之點約舉如下疫起倉猝隔離房舍租借爲難從事新建時值隆冬工作不易而財政拮据又感困難若就疫室隔離俯拾即是外求便利一多一疫區即多一處設置增夫役勞供給看護恐有未周耗費亦自不貲男女雜役苟非其人疏忽堪虞就疫室而施行隔離家人司看護之勞員醫盡監視之責事關親近指點較易便利二尤有進者前此施行隔離因愚民不解事理類多隱匿不報今則大祛障礙措施裕如行之一家而一家效行之一村而一村效故論此次依限撲滅之實力其重要即在乎此然利弊二字每相依伏疫室隔離弊亦有三第一監視困難之弊隔離所內一員醫可以監視多人茲就疫室隔離果爲患者處置尙易若爲家屬同居人縱已潛伏疫症其身體精神初時未現何種痛苦監視稍疏難保無脫逃他

往及自由動作之事而盡室派員隨人監視又爲勢所難能此所以爲困難也第二服侍情感之弊以親屬司看護服侍周到原較僱役爲優然親患者之展轉痛楚情狀亦難免情感用事苟便患者不惜身代嘔熱寒寒呼吸易相接觸傳染機線有非員醫所能監視者第三消毒難密之弊患者之痰血排泄物隔離所內有一定燒燬埋蓋地點其毒易消若在患者宅舍同院有人已難免飛洒危險而於室內痰血遺跡剷除少有不盡將來入此室處之未亡家屬不抑危險之甚者總上三弊實前此東西洋醫士對於疫室隔離終屬猶疑徬徨未敢決定施行之主因此次施行便利未受三弊打擊者則又有使民覺悟之其他實力及自治團體能補助防疫員醫爲監視之行爲其功亦不淺矣

(丁)協助宣講之派遣

以素不經見之肺疫突侵晉疆無論普通人民無防疫智識即在官人員亦多不知防疫事項究宜如何進行蓋百斯篤爲傳染最烈之微生物自廣東香港慘遭浩劫後(在十八年前)醫學界始經發明東三省之鼠疫又係別一疫症此在精於醫學微生物學者辨之綦詳防範之法著有專書然在一般人士多未注意及之各縣知事雖不無曾與於東三省防疫之役或稍明新學者然究居少數其大多數則爲天災流行在數難逃等舊觀念所束縛對於頒布方法率疑爲過信西醫之稅政不肯實力奉行愚民淺見更屬不知趨避試觀疫初不烈後竟蔓延或疫將就熄未幾復熾之縣區何莫非於遮阻交通禁止演戲賽會諸事官吏辦理不嚴愚民樂得自由之所致哉當道懲前毖後急設防疫傳習所招集警官教練學員竭一星期晝夜時間授以防疫要旨分別派遣爲各縣清疫協助員與宣講長一則協助官吏爲防疫措施一則宣講疫菌慘毒教民以入生出死

途徑官吏因協助有人益得嚴厲措施其迂疏者亦悚於協助員為當道耳目不敢仍前疲玩以取罪戾至人
民則因宣講結果喚啟錮蔽不敢不各自防衛輕蹈不測官吏措施既嚴疫氣傳染自減人民畏死心切官吏
措施益易無形之中縮小疫氛勢力已自不淺撲滅令下官吏人民又為一大覺悟依限肅清固水到渠成之
事也豈偶然哉

防疫總局派赴各縣清疫協助員姓名日期一覽表

姓名	出發日期	駐紮地點
馮玉麟		
李 燦		
馬廷珍		
程 俊	二月三日	忻 縣
靳 儀	一月十四日	代 縣
蘇夙敏		寧武神池
武澤霖	一月十一日	代 縣
張漢傑	二月三日	寧 武
王治昌		五 寨
梁 楫		左 雲
陳攀成		
許 璟		
黃振中		
牛文炳		大 同

張錦文		
司馬鳧		
樊汝鄰		
任士雄		
和克恭		
李道瑩		崞 縣
史鳳巖		
宋永福		
馬明勛		
張樹屏		
馮全仁		
馮廷鑑		
馮克勤		
李鼎焄		
楊敬時		
李 恢		朔 縣
曹潤琴		
郭鳳池		
聶 筠		
邢文照		
武治馨		
李德和		
喬煥林		平 魯
司文桓		
韓仰洲		右 玉
王輯五		

宣講長兼調查員											趙志鶴
											王企文
											李含英
											邱有守
											王述聖
											李壽彭
											郭培基
											劉瑞琪
											劉衍榮
											黃哲
											栗珺
											吳士楨
											劉大猷
調查兼催辦員											張世傑
											田潤雨
											衛森玉
											周家驥
											楊志英
											員守箴
											趙漢傑
											李鳳翔
											郝英
											郝聯標
											許其昌
											郭登宸
											鄭思廉

						李瑞花
						王治昌
						關萬福
						楊志源
						張榮山
						栗璿
						楊文鴻
						楊希震
						王思明
						牛士甲
						王丕榮
						索經畬
						李安唐
						劉生光

(戊)印刷物之潛勢力

考之二十世紀能以一人或一機關之言論頃刻傳布於極廣區域者厥為電報作用然苟事起倉猝地域遼闊無論傳電機線未能迅速徧設抑亦電報上之簡賅文字每難化導人民之故舊心理以啓發其適時智識故文化幼稚之地欲事傳布重要言論不得不借詳明印刷物為發聾振聵之用憶此次包薩之疫耗甫傳當道於沿邊各縣即發預防警告未雨綢繆豈不憚煩蓋當道審知肺疫之毒百倍於洪水猛獸果能禦之境外弭患無形保全民命豈只邊圉之幸無如行旅往來潛作導線左雲右玉疫現後浸傳浸廣省北幾無完土非有上述之政令統一村制實行敷種實力詎能於短促期間大告成功補前次防疫之缺點開後來防疫之先

導乎第疫癘有防無治本爲三晉多數官民前此未聞之創語乃又限以時日勒令肅清少現多怪懷疑自所不免倘爾時不有各種印刷物溝通其間則官吏因駭疑而阻撓人民因困難而反動俱屬意料中事縱以嚴切命令強制執行亦或能如期竣事然而官民之畏威與懷德相去奚止徑庭至村長副爲一村領袖卽有左右一村之力非當道以疫菌傳染實情及依限撲滅理由藉印刷物爲傳達胥吏諄諄曉諭則其舊有觀念豈易革除依限二字豈非夢語又如協助員以印刷物爲左證易博知事信任宣講長以印刷物指示大眾亦免却空言欺人之誚一時官民委員村長副既莫不爲印刷物所支配卽莫不爲發展撲滅計畫之機能肺疫雖烈究屬微菌作用限期肅清自易易也故謂防疫期間軍署總局頒布之各種印刷物爲依限撲滅之勁旅也可爲依限撲滅各種實力之實力也亦無不可茲舉當時通行印刷物列之如左以資證實

(一)關於官吏者 爲此次防疫措施之重大阻力者第一爲食古不化之官吏蓋其心思太舊語以疫菌危險已不免有不信心理乃未幾撲滅計畫嚴令頒布無論疫區廣狹俱限一定時日斯時之防疫官吏雖爲功令驅策不敢不實行遮阻交通與隔離消毒諸手續然懷疑太甚究屬機械動作惟當道以官吏防疫須知及一切懇摯說詞單本片紙昕夕郵遞於疫症潛伏發覺各日期莫不爲之的確講解官吏乃知限期撲滅四字並非驚高難人之空文懷疑之心既雪咸致全力於撲滅事實施之一家而死亡滅施之一村而傳染息限滿而疫氛肅清夫固非防疫官吏之始料所及者

(二)關於人民者 人民於疫傳危險知之者爲千萬分之少數防疫行政又無在不與人民以重大困難有此兩因一切防疫措施胥目爲官家多事故當疫發之初無論掩埋消毒等事每招民怨卽交通往來亦有

遮不勝遮阻無可阻之情形蓋人民錮於舊俗不信疫菌有殺人能力而奔波生計與答往報來親故間之虛浮禮儀交相催迫遂有不聽約策繞越道路之行動初生之犢不畏虎豈真以生命兒戲哉知識未全所見不明之故耳惟當道以防疫要言緊要布告各種印刷物提撕而警覺之而後人民始知染疫可畏防疫無難不蹈有疫之地不近染疫之人的生命自獲安全無恙否則斬宗絕戶之慘禍一呼吸可以立待此理既明自衛之心自切繼疫地不加阻止亦不敢輕易進出矣又何有接近疫人輕事呼吸之事哉患者已矣不再傳染夫固依限撲滅之重大原因也然不有印刷物之開覺功用又曷克臻此

上列二項實印刷物之特殊勢力之顯見者證之各縣防疫行政莫不先難而後易防疫效果亦莫不始緩而終速蓋官民之迷瞶與覺悟有差實爲最大關鍵而官民之覺悟心生不外以印刷物爲晨鐘暮鼓宣講員與村長副雖有勸導功勞亦仍以印刷物爲根據計功論最不得不於爾時之各種印刷物三致意焉

(三)防疫日報之發刊

一紙風行有目共覩爲報紙特殊勢力防疫事起當道之文言諭告俱刊印小書單紙隨時散布已如上述至若全省之防疫計畫各縣區之疫氣情狀關隘道路之通塞官員醫士之報告以及外省有疫地之蔓延與撲滅實情中央府院與防疫委員會議之通電及警告一切有關防務事由逐日發生類至複雜既難各別刊布指陳大眾又難謂當局者已知已喻可以密而不宣當道斟酌於此乃有商同并州新報社附刊防疫日報之事實計自六年十二月中旬疫症初現於包薩驚耗首傳於外報當道預防危害計通告邊區急籌抵禦沿邊官吏聞之而漠不動心者有之疑信參半者有之憫包薩之遭劫幸距離之寫遠者亦有之若夫人民尤以智

識短淺之故知綏區有疫症可畏者實居千百分之最少數一般懵懵無知者無論不知預防且並不知疫作何解又無論未聞綏區有疫聞亦風吹馬耳究不知綏區之疫與晉地有何關係所謂越人視秦人之肥瘠正類乎此夫以晉綏壤地之毗連行李往來之繁夥綏區疫發晉地勢難幸免而人民之知識情態乃竟如此不抑深可懼哉爾時并州報社據有聞必錄之例盡警覺社會之責寧信爲有採輯刊登亦不過鑄鼎象物欲使民知神奸之意耳乃時未逾旬關於綏區疫氛之電報郵件昭人耳目使爾時各縣官民急起自衛縱邊境不免少受波及亦不失見兔顧犬之計無如言者諄諄聽者藐藐遂使疫菌兇穢潛襲我邊陲毒害我人民左雲右玉二縣竟不幸於七年一月五號同及於難藩籬既決堂奧瀕危并州報社以惡疫既經蒞止殄除不容少緩旁搜博採淬礪筆鋒作官吏後盾人民指南惟期疫死人數克以減少於萬一所憾篇幅有限不能以逐日之徵集所得盡行供獻於社會而無情疫癘竟得於此時大肆蔓延屢屢乎有日甚一日之勢古昔有訓不可嚮邇其猶可撲滅尋繹文義確可爲防疫行政絕對的要訣當道勘透此旨知肺疫雖屬有防無治究可以積極的防法藉作消極的治法一面以兵法實施防疫計畫避其所長攻其所短卽一面指定并州新報擴充篇幅專事刊布防疫文電爲指導社會之總機關時至一月十六號防疫日報果得完全出現計其篇內所載除由該社詳加徵集外並由軍署省署防疫總局逐日以有關防疫之文電函件詳悉見示故得搜羅宏富指導詳明應時之需遂不覺洛陽紙貴旬日之間驟增派八百餘份亦可想見當時之勢力與價值矣嗣是官民之障礙漸除當道之計策愈堅而防疫日報亦益大放厥辭愈激愈厲對於疫史源流疫氛近狀無疫地之預防法有疫地之消毒法以及隔離檢查諸要端莫不爲精確之詮解以堅大衆之決心間有緊要報告卽用號

外增刊故無論有疫區無疫區上自府院下迄省內外公私機關官紳士庶舉凡關心防疫情形者披閱一過瞭如指掌職是之故全省防疫措施無形之中裨補良多及至二十日之限期令下既有詳明文告指示官民益以此項報紙關於某區依令進行而奏績某官辦理敷衍而被斥凡有所得必經盡情披露以故防疫人員既資觀感亦策進行厥後關內疫區只有一二縣逾限外關北則於所限期內一律撲滅盡淨是雖當道計慮周密多數官吏員醫實力奉行之實徵然而闡發當道之計慮策勵官吏員醫以實力奉行者未始非防疫日報之力也疫氛肅清目的既達防疫報亦截然停刊夫固此次防疫之役報紙之特別紀念也故論依限撲滅之實力而併及之